



## KENYATAAN MEDIA JABATAN ALAM SEKITAR

---

### PENCALONAN ANUGERAH LANGKAWI – KELESTARIAN ALAM SEKITAR SESI 2022/2023 KINI DIBUKA

1. **10 MAC 2022, PUTRAJAYA** – Jabatan Alam Sekitar (JAS) telah membuka pencalonan Anugerah Langkawi - Kelestarian Alam Sekitar (ALKAS) bagi sesi 2022/2023 bermula daripada 1 Februari 2022.
2. Anugerah berprestij ini merupakan penghargaan dan penghormatan tertinggi negara kepada individu dan organisasi yang telah memberikan sumbangan tenaga dan buah fikiran yang signifikan dalam bidang alam sekitar, sama ada dalam bidang pengurusan, perniagaan, penyelidikan saintifik, akademik, penulisan dan bidang-bidang lain yang berkaitan.
3. Anugerah Langkawi – Kelestarian Alam Sekitar adalah anugerah bagi memperingati Deklarasi Langkawi yang telah ditandatangani oleh Ketua-Ketua Negara Komanwel pada tahun 1989. Anugerah ini diperkenalkan pada tahun 1991 bagi menunjukkan komitmen rakyat amnya dan negara khususnya dalam mencapai matlamat pembangunan mapan sepertimana termaktub di dalam Deklarasi Langkawi.
4. Pencalonan dibuka untuk dua kategori; kategori individu dan kategori organisasi yang mana kategori organisasi merangkumi kumpulan agensi kerajaan, kumpulan swasta/industri, kumpulan NGO/komuniti dan kumpulan Institut Pengajian Tinggi (IPT).
5. JAS mempelawa individu dan organisasi yang berkelayakan untuk mengemukakan pencalonan kepada JAS sebelum 30 November 2022.

6. Syarat-syarat pencalonan, kriteria penilaian dan borang pencalonan boleh dilayari melalui laman web [www.doe.gov.my](http://www.doe.gov.my), laman media sosial JAS atau mengimbas kod QR di bawah:



**WAN ABDUL LATIF BIN WAN JAFFAR**  
Ketua Pengarah Alam Sekitar  
Putrajaya  
Dikeluarkan pada 10 Mac 2022